

汶水注

酈道元

汶水入萊蕪谷夾路連山百數里水隍多行石澗中出草藥饒
 松柏林藿綿濛崖壁相望或鉅岑阻徑或迴巖絕谷清風鳴條
 山壑俱響凌高降深兼備慄之懼危溪絕徑過懸度之艱未出
 谷十餘里有別谷在孤山谷有清泉泉上數丈有石穴二口容
 人行入穴丈餘高九尺許廣四五丈言是昔人居山之處薪爨
 煙墨猶存谷中林木緻密行人渺有能至矣又有少許山田引
 灌之蹤尚存出谷有平邱面山傍水土人悉以種麥云此邱不
 宜殖稷黍而宜麥齊人相承以殖之意謂麥邱所棲愚公谷也
 何其深沈幽翳可以託業怡生如此也余時逕此為之踟躕為

道藏輯要

天下名山記
山東汶水酈

卷

軫集四
川X上

之屢眷也